

Melele kadu kin Melele in Kajinet eo an Jelālokjen eo ej Make Wōt ñan an Rijikuul Katak iloan Jikuul: Spring 2021

Wunin jibañ in ej ñan etale melele in kajinet im rōjañ ko ñan jikuul ko im baamle ko kin lelok katak in jelālokjen ko rej make wōt iloan jikuul ko ilo aoleb joñan kilaa ko, dettan preschool ñan 21 yiō. Beba in ej bellok kin juon etale kin melele in kajinet, loore juon beba in kōlaajrak bebe, im ej kilōk kin jet link in jibañ ko mōttan melele kein.

Kakadu in Kōmelele kin Melele in Kajinet eo ñan Jibañ ko ñan Rijikuul ro ewōr aer Utamwe ko relablok jen Wāween ko ñan Lelok Katak.

Jikin in ear kōmman ñan letōk kein kōkememej ko raurōk jen [Kajitōk ko im Uwaak ko: Kakien ko ikijen Jibañ ko ñan Rijikuul ro ewōr aer Utamwe ilo len COVID-19](#) ñan jibañ bukon in jikuul ko ñan aer ioon mennin aikuj ko ilo kakien eo an Jelālokjen ñan Kajojo Armij ro ewōr aer Utamwe (Individuals with Disabilities Education Act - IDEA) ñan Jelālokjen eo Ekkar ilo Jikuul in Kien Ejellok Wonnen (Free Appropriate Public Education - FAPE) ilo aoleb wāween ko ñan lelok katak. Emōj jeiki melele ko ilo Kajitōk im Uwaak ko rar kaju tōk kin kōkkāāle in parentheses ālikin kajojo enaan.

Etale Ko im Maron Tōbrak

- Bukon ko rej aikuj loloorjak an wonmaanlok madmōd eo ñan rijerbal im jinen im jemen rijikuul ñan jino kōmmane juon jermal in lemaanlok ñan etale ikijen jelālokjen eo ej make wōt ilo aoleb wāween lelok katak ko ilo ien eo ewōr aer abnōnō kin ajiri eo (einwōt, men ko emōj loe ibben ajiri eo). (E-5)
- Ej wonmaanlok an wōr an bukon ko eddo in lelok FAPE, kadedelok etale ko im IEP ko, im kebooj rijikuul ro ilo aer ten etal jen Baat C ñan Baat B mokta jen an jilu aer yiō. (E-6)
- Ñan jemlok ko rej aikuj kōmelim eo an jinen ak jemen rijikuul ilo jeje (einwōt kōmelim ñan etale eo kein kajuon), kōmelim ko rej litōk ilo email ak ilo aer kōjermal wāween ko jet emōj loi rej kōmelim ilo jeje toon wōt an jinen ak jemen kar bōk melele im remelele kin aoleben melele ko rekkar ilo makūtkūt eo im rej lelok kōmelim eo aer ikijen. (E-3)
- Ñe rijikuul eo ej bōk kwōnaan ilo katak jen mweo imōn ak katak ilo mweo imōn im jikuul jimor ilo ien etale eo kein kajuon ak ien eo ej bar kōmman etale, kumi in etale eo emaron lablok an lale melele ko rebed, elabtata ñe ewōr uwōta ko ikijen ejmour im kejbarok im rej kadik an bukon eo maron lelok joñjoñ in katak ko emōj kōmman joñaer ilo aer lelok iloan imōn jikuul. (E-5)
- Elañe renaj bar aikuj ien ñan kadedelok etale eo, bukon eo im jinen im jemen ajiri eo emaron errā in kaitōklok ien eo ej 35 raan.¹ Jermal in kaitōklok eo aikuj bed ilo jeje, ekoba raan eo rej katmāne an naj dedelok im wunin rumij eo. Remaron kōjermal kejbarok ilo aer kōmmani jermal ko, bōtab, ñan loloorjak ke ien ko emōj aer kaitōklok rekkar, im rar lomnak kin an rumij in jibañ ko maron aikuj jelōte rijikuul eo. (E-1)

¹ Aurōk in kememej bwe ilo ien eo an 35 raan in jikuul ñan kadedelok etale eo ilo aer loe kōmelim eo an jinen im jemen im emaron āitōklok, ien eo an jilu yiō ñan kadedelok bar juon etale im ien eo an juon yiō ñan kadedelok IEP eo im ej bebe in katak eo emōj kōjenolok ñan kajojo rijikuul, ebañ āitōklok.



- Ñan melele in kajinet ko relablok kin kadedelok etale ko kein kajuon, etale ko tökelik, im oktak ko jen Baat C ñan B ilo ien jorren in COVID im emōj an jelōte aoleben lal in, bar lale [melele in kajinet ikijen etale](#) ilo ien [COVID](#) emōj an Douluul eo an Rijerbal ro rej lale nañinmij in kōmelij ilo State eo an Washington (Washington State Association of School Psychologists - WSASP). (E-4)

Kōmman im Kōjejet Kütien IEP

- Ejellok mennin kōjenolok ñan aikuj eo ñan lelok FAPE ñan rijikuul ro ewōr aer utamwe, im einwōt an bukon eo lelok jibañ in katak ko rekkā ñan rijikuul ro ejellok aer utamwe, innem rej aikuj bar lelok FAPE ñan rijikuul ro ewōr aer utamwe. (B-1)
- Jibañ ko ilo Burokraam in Bebe in Katak ko Rejonolok ñan Kajojo Rijikuul (IEP) rej aikuj lelok ñan joñan eo elabtata emaron ilo ien jorren in elab im emōj an jelōte aoleben lal in ilo aoleb wāween lelok katak ko, ekoba wāween katak ko rej lelok ilo moko mōn rijikuul ak ilo an rijikuul katak ilo moko mweir im imōn jikuul jimor elañe mennin aikuj ñan loor melele in kajinet ko an bukon ikijen ejmour/kejbarok. (A-1)
 - Ejab aikuj wōr diklok in jibañ ko an IEP kin katak in IEP ko aoleb yiō, ijellokun keij ko reiiēt (waanjonok, ālikin an walok ke ejako an rijikuul eo aikuji jibañ ko, kumi in IEP eo enaj loe ke rej aikuj lelok katak ko rekadulok bōtab lablok (einwōt kin 1:1), im men ko jet.). (D-2)
 - Kumi ko an IEP rej aikuj jeiki wunin jemlok ko aer ñan jañiji jabdewōt jibañ ilo IEP eo, einwōt ilo jikin joñan ko rej lelok kiō ak ilo juon kōjellā ilo jeje moktalok. (D-2)
 - Jabdewōt jibañ ko emōj jañiji im jinen im jemen renaj kelet in jab bōki, rej aikuj jeiki ilo juon kōjellā ilo jeje moktalok (Prior Written Notice - PWN). Kelet eo an jinen im jemen ñan bōk jet, ejab aoleb, jibañ ko im rijikuul eo aer emaron tōbrak ñani rejab aikuj boktak kin an jinen im jemen jolok kōmelim eo aer ñan ebōk jibañ. (D-2)
- Aoleb bukon ko rej kōjejet kütien wāween lelok katak (ilo an rijikuul bed ilo imōn jikuul, jidik imōn jikuul im imōn jokwe, im jikuul jen moko mweir wōt) ilo aer loor melele in kajinet ko ikijen ejmour im kejbarok, elañe jibañ ko an rijikuul eo renaj lilok einwōt ilo an walok ilo IEP eo an tōrre in (ekoba joñan ien im jikin), juon kakobaba ñan IEP eo emaron mennin aikuj. (D-1)

Kakien kin Jibañ ko

- Ijellokun ñe ewōr juon jemlok jen state ak bukon ñan bed wōt moko mōd ilo tōrre eo, emo an bukon ko lelok jibañ in katak ko ñan rijikuul eo ewōr an utamwe iloan imōn jikuul, jekdon ñe emōj an bukon eo loe ke renaj lelok wōt katak ñan aoleben rijikuul ro aer ilo an rijikuul bed moko mweir. Emōj kōkememej bukon ko ñan aer lale melele in kajinet ko an tōrre in ñan kakien ko ikjen katak iloan imōn jikuul jen Ra eo an Ejmour ilo State eo an Washington (Washington State Department of Health). (A-3)
- Ejab juon wōt wāween lelok jibañ ko. Bukon ko rej aikuj lale, ilo aer bōk melele ibben baamle ko, wāween aer lelok jibañ ko ñan rijikuul ro aer im kōjenolok jibañ ko ñan kajojo rijikuul ekkar ñan aikuj ko an rijikuul ro kajojo. (A-2)
- Bukon ko an jikuul renaj lale eo emaron lelok jibañ ko iloan jikuul, online, ak jen jikin ko rettolok, ilo aer lomnak kin aikuj ko ikijen ejmour, kejbarok, kalijeklok ñan rijikuul ro rej bōk jelälökjen ko rej make wōt im kōlablok joñan aer jab jenolok. (A-1)

² Ekkar ñan [30 20 kökkääle in jermal eo an Amedka \(United States Code - U.S.C.\) § 1401\(9\)\(D\)](#), Kakien an Jelälökjen ñan Kajojo Rijikuul ro ewōr aer Utamwe (IDEA) ej kōmelele ke juon jelälökjen ilo jikuul in kien ejellok wonnen (FAPE) einwōt jibañ ko “rej lelok ilo aer loor IEP eo.”

- Emōj rōjañ an bukōn ko karōke aer lelok jibañ ko an katak ko rej make wōt ñan wāween eo/ko an jibañ in katak eo ekkā im emōj kōjejjēt kūtien, ilo an jemlok ko an kajojo rijikuul kōmman ñan lale katak eo ejenolok emōj kōmmāne im aer maron etal ñan imōn jikkul ko im bōk katak (A-1)

Mejatoto in Kakoba im Diktata Mo

- Rijikuul ro ewōr aer utamwe rej aikuj bed ilo joñan eo remaron einwōt ekkar ilo juon jikin jelālokjen eo ekkā, elabtata kin joñan ko rej kōbōjrak wāween kein kin mennin aikuj ko ikijen kattolok doon im aikuj ko jet ikijen ejmour im kejbarok. Rej aikuj bōk katak ko ñan tōbare aikuj ko an rijikuul eo im ejab kin aikuj ak joñan rijikuul ro remaron bōke ilo ien in im rej aikuj ko an bukōn eo. (A-1)

Jibañ ñan an Rijikuul ro Rool ñan Katak Iloan Imōn Jikuul

- Ilo aaleb wāween lelok katak ko, jikuul ko im jikin jermal ko rej aikuj kōmman joñan kabeel in mwil ko an rijermal ro aer ñan lelok mennin jibañ ko rej ioon aikuj ko an rijikuul ro aer im mejatoto in katak eo ekāal im kaurōk aikuj ko rijikuul ro elabtata aer jelōt rej aikuj. (A-2) Emōj rōjañ an jikuul ko jermal ibben baamle im rijermal ro ñan kalikar im jibañ rijikuul ro remaron aikuj jibañ in mwil ko relablok ñan jibañ aer rool in bōk katak ilo imōn jikuul im men ko rej katmāni ilo mejatoto in katak eo ekāal (waanjonok ekōnak kajojo kein kejbarok ko (Personal Protective Equipment - PPE), maron madmōd kin oktak ok, oktak ñan katak ilo imōn jikuul, kōlablok an bōk kwōnaan im maron lelok kōlmenlokjen eo an).
- Jet rijikuul remaron aikuj jibañ ko relablok ñan aer koba ñan IEP eo aer ñan jibañ oktak eo ñan aer katak iloan imōn jikuul. (A-1) Bukon ko rej aikuj bar lomnak kin aikuj eo ñan aer maron lelok ñan aaleb rijikuul jibañ ko rekkā (waanjonok aer maron bed ilo juon jikin ejab karwaroñroñ ak jikin remaron jab aikuj ekōnak kein kalbubu māj, kōlablok an melele etal ikōtaan mweo im jikuul, ien kakkije im/ak kadiklok katak ko) ñan jibañ aer iminene im oktak ñan katmān ko ilo juon raan in jikuul iloan imōn jikuul. Jibañ kein rekkā im an jidik ien rebañ aikuj kobalok ñan IEP eo ijellokun ñe kumi eo an IEP enaj loe ke rej aikuj wonmaanlok einwōt mōttan FAPE an rijikuul eo.
- Ñe rijikuul eo ejab bōke katak im jibañ ko emaron bōki ilo ien COVID-19, Obj eo ej bōk eddon Jikuul in kien (Office of Superintendent of Public Instruction - OSPI) ej rōjañ bwe bukōn eo en jeiki aaleb melele ko relōñ im rar etal ñan baamle eo im aer kajeoñ in lale mennin abañ ko ñan an rijikuul eo maron bōk jibañ ko. (A-1) Bukon ko rej aikuj wonmaanlok in kajeoñ bwe baamle ko ren bar bōk kwōnaer im lelok jibañ ko rebidodo ñan joñan eo elabtata remaron.
- Jet rijikuul im baamle ko remaron aikuj jibañ ko relablok kin aer oktak ñan katak iloan imōn jikuul. Bukon ko rej aikuj jibañ baamle ko melele kin kūtien wāween ko rej kōmmani ikijen ejmour im kejbarok, jibañ ko ewōr im wāween aer maron bōki im lomnak kin aikuj eo ñan an jinen im jemen bōk kaminene im katak ñan aer maron jibañ rijikuul eo nejeir oktak ñan aer rool in jikuul iloan imōn jikuul.

Beba ej Laajrak Bebe ñan Rool in Katak ilo Imōn Jikuul

Beba ej laajrak bebe in ear kōmman ñan jibañ bukon ko kin kakien ko ikijen jibañ ko an jelālokjen ko rej make wōt ilo ien oktak ñan kōjejjēt kūtien katak ilōan imōn jikuul.

Melele ko rej leto letak

- Jeje im jilkinlok melele ilo aoleben bukon eo ikijen kejbarok im jibañ ko. Jeje im jilkinlok kōjellā ko ilo jeje ñan aoleb baamle ko ewōr aer rijikuul ewōr aer utamwe im rej jañij wāween aer bōk katak (iloan imōn jikuul, jidik iloan imōn jikuul im ilo moko mweir jimor, ak katak jen moko mweir) ñan kōjellā kin jabdewōt kein jermal an
- aoleb kin an etal im/ak kōlaajrak oktak ko im rej jelōte aoleb rijikuul. Kōjellā eo ilo jeje ej aikuj lemaanlok jinen im jemen rijikuul ro ñan jibañ ko emōj jeiki ilo IEP eo an rijikuul eo ilo aoleb wāween ko ej rej lelok katak.

Kōmadmōd in Etale im Maron Tōbrak

Kōlaajrak ibben kumi ko im baamle ko ñan lale wāween im ñaat etale ko renaj dedelok iloan ien ko aikuj.

- Etale jekjekin jermal in lemaanlok ko an tōrre in ñan etale ko an jelālokjen ko rej make wōt,
 - Etale jekjekin etale ko kein kajuon an tōrre in im rej bed ilo madmōd,
 - Etale jekjekin etale ko rej bar kōmmani im rej bed ilo madmōd, im
 - Beba maanlok kin etale ko rej bar kōmmani im renaj aikuj tōbrak ilo allon ko jeklaj.

Kōlaajrak ibben obje eo ej lewaj jibañ ñan ajiri jidik ilo bukon eo am (Early intervention provider agency - EIPA) im baamle ko ñan

- lolorjak an jejjēt ien oktak, lale aer maron tōbrak, im kōmman im kōjejjēt kūtien IEP ko an rijikuul ro rej oktak jen Baat C ñan Baat B.
- Ñe rej aikuj bar ien ñan kadedelok etale eo, kōlaajrak ibben baamle eo ñan jeiki juon jermal in kaitōklok ñan ien eo an 35 raan.

Madmōd ko an IEP

- Etale laajrakin ien kilaaj ko im laajrakin kakien ko ikijen jibañ ñan aoleb rijikuul ro ewōr aer utamwe.
- Bebe bwe an jibañ ko renaj lilok ren loor IEP ko, ekoba rijikuul ro remaron aikuj kwelok in IEP im/ak kakobaba ko ilo IEP, ekoba lomnak kin ial ñan im jen jikuul. Lale jibañ eo an [Katak in Keij ko an Mejatoto eo Ediktata Mo \(Least Restrictive Environment - LRE\)](#) ñan melele ko relablok im waanjonok ko.
- Kōlaajrak ibben baamle ko ñan lale laajrak ko, jibañ ko, kwelok ko, im men ko jet.
Etale Bebe ko ñan Jibañ Mwil im an Kajojo Rijikuul (Behavior Intervention Plans - BIP) ñan lolorjak ke aoleb rijikuul remaron bōk
- jibañ kin mwil ko aer im ke jibañ in mwil eo rej loor mejatoto in katak eo, men ko jikuul eo ej katmāni, im idin aikuj eo an rijikuul.
- Kōkkāal kein jermal ko ñan aen, kakoba, im lelok melele in lale tōbrak ko an rijikuul ibben jinen im jemen ilo aer loor IEP eo.
- Kaurōk bebe ñan rijikuul ro rej kilaaj joñoul ruo im rijikuul ro rej iten 21 aer yiō, ekoba Bebe ko an High School im Tōkelik (High School and Beyond Plans - HSBP), ial ko ñan kadiwōjlok, kakoba ko ñan obje, im men ko jet.

Kein Jerbal ko ñan Lale Katak

Wonmaanlok in etale im kökkääl Kein Jerbal eo ñan Lale Katak (Learning Management Systems - LMS) an bukon ñan

- loloorjak ej tōbare aikuj ko an rijikuul im baamle ko ilo aoleb wāween lelok katak ko. Etale im kökkääl laajrak ko ñan ien etale jibañ im oktak ko an kajojo rijikuul
- rej aikuji im loloorjak ke aoleb rijikuul remaron bōk jibañ kein emōj kalikar ilo IEP eo.

Rijerbal im Kōlaajrak

- Bar karōke ien ko an rijerbal ñan oktak in kakien im kakoba aoleb ñan lelok katak iloan imōn jikuul
- Lelok ien bwe rijerbal ro ren maron jermal im ibben doon im bebe kin aoleb kobban katak ko.

An Rijikuul Bōk Kwōnaer im Katak ko ikijen Bed iturin Armij im Lomnak ko aer

- Etale aoleb kein jermal in etale ko aoleb rej kōjembali ñan loloorjak ke rej kakoba im rej kōmadmōde aikuj ko an rijikuul ro ewōr aer utamwe im rej oktak ñan bōk katak iloan imōn jikuul.
- Kōmman im kōkāl kein jermal ko an bukon ñan aen, bwine, im jibañ rijikuul im kōmman joñan melele in bōk kwōnaer, ekoba laajrak ko ñan jibañ kajojo rijikuul im baamle ko ilo aer bōk kwōnaer ilo aoleb wāween lelok katak ko.

Kein Jibañ ko Mōttan

Melele in Kajinet kin Jelälökjen eo ej Make Wöt an Federal

- o [Baat B Kōjejjēt Kütien Kakien in Jibañ ko an IDEA ilo ien COVID019 eo kiō Beba kin Kajitök im Uwaak ko kin Mejatoto \(Jebtomba 28, 2020\)](#)

Melele in Kajinet kin Jelälökjen eo ej Make Wöt an OSPI

- o [Bar Bellok Jikuul ko ilo Washington 2020: Melele in Kajinet eo an Jelälökjen eo ej Make Wöt im koba ibben Melele in Kajinet kin Bebe in Jelälökjen eo ej Make wöt im Melele Kadu ñan Baamle ko](#) (ewör ilo elōñ kajin ko [ijin](#))
- o [Kajitök im Uwaak ko: Kakien kin Jibañ ko ñan Rijikuul ro ewör aer Utamwe ilo ien COVID-19 ilo Fall 2020](#)
- o [Melele in Kajinet ñan Bar Bellok in Jelälökjen eo ej Make Wöt: Keij in Mejatoto eo Ediktata Mo \(LRE\) Katak ko](#)

Melele in Kajinet ko jet an State

- o Ra in Ejmour eo an State eo an Washington (Washington State Department of Health) [Melele in Kajinet an Jikuul ko K-12 ñan-Fall 2020–2021](#) o Ra in Ejmour eo an State eo an Washington [Jemlok eo ñan Kakien kin Lelok Katak iloan imōn Jikuul Katak ibben Rijikuul ro ilo K-12 ilo Jikuul ko an Kien im Ejab ilo ien COVID-19 Jorren eo elab im emōj an jelöte aoleben lal in](#)

Jibañ ko Relablok

- o [Online \(im Offline\) Kein jibañ ko ñan jibañ rijikuul ro ewör aer utamwe wonmaanlok kin katak ko aer \(XLSX\)](#)
- o [Ien Kōlablok Kabeel ñan Jibañ Rijikuul ro Ewör aer Utamwe \(XLSX\)](#)
- o Ien ko ñan lelok jibañ jinen im jemen, Jibañ Mwil Emmon ilo aoleb Mejatoto ko roktak: [Baat 1](#), [Baat 2](#) im [Baat 3](#)
- o [Webinar ko emōj Rekoot kin Jelälökjen eo ej Make wöt ñan Yiō in Jikuul 2020-21](#)
- o [8 melele in jibañ ko ñan Kōmman bwe Rijikuul ren Maron Bök Kobban Katak](#)(emmon tata an bellok ilo Chrome)